

平陽縣志

平陽縣志
九十八卷

楊以愈署

民國十四年
十一月築成

敘

紀載鴻編國史方志是已魁儒碩士動色於茲同一書也出於眾手者似易而實難及其成也每病其雜出於一手者似難而實易及其成也始服其精作述之家知之諗矣近世修史開局分纂號曰官書自唐修晉書以後類然其視私家一人所撰無論上擬馬班陳范卽降而求如荀悅袁宏李延壽歐陽修李燾曾有追蹤而繼躅者乎然則官修不如私修眾手不如一手徵之故籍斷斷然也惟志亦然其通志禹域如括地志元和郡縣志太平寰宇記者無論矣其分志一隅大而潛說友之咸淳臨安志周應合之景定建康志范成大之吳郡志小而康海之武功縣志韓邦靖之朝邑縣志以逮近人章學誠之志和州亳州永清天門李兆洛之志鳳臺悉數之而難終何一不成於一人其閒雖不無借助他山而主

平陽縣志

卷首

敘

其要者必非分出審是則凡膺紀載之任者其所取法何去何從有不待畢其詞矣雖然其如勢有萬不能行於今日者何不獨難其人也又難其資也史非所論論郡縣志修志之資不出官欸卽出地方公欸或紳富募捐修志之人不由官聘卽由公聘從未聞獨任其資者如是則不能不成於眾手者勢也亦理也有見詰者曰志之成於眾手而詳核雅潔可傳者雖未泛覽度亦不少卽如史家之通鑑豈非成自眾手何以懸日月而不刊乎則應之曰通鑑一書成者三人三人者誰劉攽劉恕范祖禹是也其才學識皆並溫公且由溫公薦舉而後出此更由溫公攬其大綱二劉一范豈易求之後世二百九十三卷之巨集付之三人並不爲濫豈若後世史職總裁總纂協纂分纂每一書必列數十百人哉人多職反不舉至有一人而占兩傳如元史者豈不怪哉且帝魏一事事

之大者劉恕以蜀擬東晉請紹正統溫公不從恕亦不固爭縱有同列三人竟如蔡邕之獨斷絕無僅有之事更豈能望之後來然則如之何而可曰必不得已以主者得人爲先變而通之雖官書也而以私書之法行之雖眾手也而以一手之制出之居其實而避其名分纂必聽命於總纂如是其庶幾乎此萬不得一之數也乃不期於今平陽縣志得之夫天下事無鉅細無一不日趨敝壞不乘其敝而救之則其事非至於盡革不可然敝不極每不知革革之不得其道又不加姑沿其舊之爲愈或沿或革之難協其宜治事然著書然此又從事史與志者之必競競焉出乎官修私修眾手一手規畫之外者平陽舊志爲乾隆戊寅年邑人張南英最後所纂書本簡陋又歲閱百六十餘年代遠事湮官斯邦者未遑念此而士紳營營每措意辛亥以後國體變更不有成書文獻

平陽縣志

卷首

敘

二

陸地乙卯之歲邑士王君子徵劉君次饒始議重修所訂如夏克庵周井廬鮑公素諸君皆一邦之彥設局於校士館議定而王君以正編纂推余與劉君任之其體例門類先已定於劉君及諸君劉君素服膺章實齋書又兼綜各家不暖昧一先生說以自膠柱與余持論多合又爲故訓導錢塘吳承志故戶部瑞安孫詒讓高足淵源有自學行並優所約諸君一皆沉潛故余絕無異同乃局甫開遽以公歎爲人挪用暫行停辦告余於是謀食他方全局搖搖方謂頭白汗青將如子元所言乃不意四三年後竟哀然刊成巨帙聞諸君皆累年不支脩脯而劉君尤始終不懈卒底於成於極艱窘危疑時以一身繫一邦百數十年文獻絕續之任其功顧不偉哉志凡五十九卷始輿地迄雜志爲門十六分併取捨詳劉君序綜而論之有四善焉一體例之善列學校爲專門併物產於

食貨倉儲糴運蠲賑附焉而鹽法別釐爲卷山水皆實敘或自源及委或自委窮源不規撫禹經班志如吳氏槩本之泥古一搜羅之善宋章慰劾韓侂冑疏國史失載義烏黃文獻潛跋尾亦佚而得之白沙章氏譜中至有關係金石一門明以後題橋不與尚有二百十一件之多拓本盈几岷巖廢冢甕蠟無遺一考據之善補正舊志者無論矣統志省府志有沿譌者隨條辨明孫氏溫州經籍志最稱精核糾其誤處不止一條浙江水陸道里記亦然其於甌乘補甌海軼聞甌海還珠各書所援引皆嚴爲別擇不同書抄一敘述之善人物志各傳多合數人之家世行誼類從爲篇例本馬班篇末論斷語多激射援古刺今知縣黃梅一案分見各門炯戒昭然不嫌其複具此四善而歸於核實有用一革方志挂漏猥雜誣罔矜衒之敝有議其太詳者不知方志爲國史粉本非詳不

可不聞國初朱彝尊近代朱一新諸先生之言乎敢不求詳以簡陋爲藏拙乎其中沿革尙有應詳而不詳者非不欲詳也書闕檔失耳目所限欲詳不能卽至近十年中尙有所遺此則事之無可如何局內之艱難語局外成書如此殆所謂化官爲私合衆爲一者卽未知於潛周范諸志何如而揖讓於章李閒非但無愧色已也使余弄翰自問萬不及此劉君以序見屬爲紀其始末梗概及管蠡之見且得挂名簡端爲深幸焉歲次壬戌子月西江符璋值叟識於永嘉寓邸

序

周禮地官土訓掌道地圖以詔地事道地隱以辨其物而原其生以詔地求誦訓掌道方志以詔觀事掌道方隱以詔辟忌以知地俗此二職掌卽後世地志之權輿也夫欲制治其地而不識其形勢不辨其物生不諳其故事不悉其風俗雖欲治而未由余始來平陽卽訪求其志書則修自勝清乾隆時已百數十年矣其新者尙未畢槩乃不數月而劉君次饒以新志進見示且乞爲序余披閱之視前志增三之二卷首有宜黃符君序稱其書具有四善而歸於核實有用一革方志挂漏猥雜誣罔矜衒之敝其言誠善矣而余所取者以爲有合於周官之古誼一曰道地圖前志輿圖簡畧不紀方里今志採浙江水陸道里記爲藍本而河流山脈測驗加詳山水記載綱目且舉水利因革分鄉譌述古所稱山川能說

平陽縣志

沈序

者無逾於是是所謂詔地事也一曰道地隱夫辨物原生美惡俱紀不僅爲地隱也故尙書大傳云問其土地所生美珍怪異山川之所有無此卽其事今志之紀食貨於前志所載貢賦物產之外博稽詳攷鹽務爲一邑要政興革利弊具載顛末其他茶礬燒造酒菸糖絲之屬商稅所及莫不備紀而動植之爲人害者悉著錄焉所謂地隱非歟是所謂詔地求也一曰道方志鄭注說志爲所識久遠之事若魯有大庭氏之庫穀之二陵則今志之古蹟是矣然外史掌四方之志卽此方志鄭注謂若魯之春秋晉之乘楚之檮杌則卽爲國史矣今志所載典章文獻莫不賅具於是是所謂詔觀事也一曰道方隱鄭注以方隱爲言語諱惡此指一端而言其實風俗美惡皆在所紀今志風土一門備詳禮俗而於惡俗之宜改革者尤反覆致意焉非所謂方隱歟是所謂知地俗也有此

四誼然後此書可以觀古可以通今可以臨民可以出政而真爲核實有用之書矣劉君長於考據之學其引證諸書非惟統志及直省府州縣志多所糾正卽宋金元明諸史事稽其同異辨其譌闕者不一而足若夫體例之善其所發凡例及諸小序所言致多精審不僅如符序所云者劉君自言此書或譏爲詳古畧今此嘗言也志紀一方掌故非通古今何以爲志若如所言則今時綠營制廢武備一志可以盡刪矣然則宋明以來海陸防制何藉以攷乎今時祀典惟存文廟關岳而社壇以下皆廢秩祀一目可以不立矣然則民間神祀之俗何從而稽乎況今民國初立政制屢更旦夕興廢卽分今古若一據今畧舊則朝筆夕削豈復成書且何從以稽沿革乎劉君又言今之修志者自清以前斷代爲書民國以後別撰新志以新舊政制每相懸絕通合爲一曠括爲難余謂

平陽縣志

沈序

二

此又不然歷朝制度每有異同辨異統同編纂者自可立例苟縣制不廢則前後時代自應通合成書若憚於制裁斷代紀述乃苟簡操觚而已非著書之正式也劉君又言新志稍繁將別約成一編雖不如朝邑武功之簡要而事增文減當視前志更少篇帙自憾精力不逮未能成書應俟後人爲之余謂縣邑之志未有數十年而不續修者其後人之識能突過前人則書勝於前若其識不逮則增刪而壞者亦有之矣劉君力能自爲則亟爲之如其不能則指授他人以爲之較之數十年後任人刪削失其作意者相勝多矣此尤願爲劉君勸爲之也劉君同事有周君井廬夏君克庵鮑君公素聞其編纂之時嫌採訪之不詳扁舟載書具筆硯徧歷各鄉河流窮源竟委至於橋梁碑碣山巔水涯編摩椎搨不憚勞悴其參攷諸書自瑞安孫氏玉海樓書藏外江浙各圖書館及閩

之涵芬樓書藏得徧觀而盡識之經費不繼則王君志激力任籌
備諸君皆不支薪給續纂數年始得成書而剗剗滯淹克庵又致
手民於家躬爲督率期年乃始藏事然則二三君子之於此書可
謂專且勤矣今志成諸君皆老壽健在豈非鄉先哲之靈有以默
相之乎後之讀是書者持吾所舉周官古誼以求之其裨益於政
治匪淺又何古今繁簡之斷斷云中華民國十有五年三月知平
陽縣事沈陳聚

平陽縣志目錄

卷首

序 職務姓名 凡例

卷一 輿地志一

古星野 晷度 北極出地圖 晝夜時刻表 全縣地圖

及各分圖

卷二 輿地志二

沿革表

卷三 輿地志三

山川上

卷四 輿地志四

山川下

平陽縣志

卷首

目錄

卷五 建置志一

縣治坊巷表 舊鄉都表 今鄉都村莊表 疆里

卷六 建置志二

城池 廢城堡圻 公署 廢廳署館圻

卷七 建置志三

水利上

卷八 建置志四

水利下

卷九 學校志一 舊制

縣學

卷十 學校志二 舊制

書院 社學 義塾

卷十一 學校志三 新制

勸學所 教育局 各小學校

卷十二 食貨志一

田賦 外賦

卷十三 食貨志二

倉儲 糴運 蠲賑

卷十四 食貨志三

鹽法 商稅

卷十五 食貨志四

物產上

卷十六 食貨志五

物產下

平陽縣志 卷首 目錄

二

卷十七 武衛志一

歷代兵制 元明兵制沿革及營寨烽堠等表
革及臺寨口址等表 兵餉 馬政 軍械 教
場等表 附哨巡海汛 海防備考

卷十八 武衛志二

巡簡 宋 巡檢司 明 清 警察 清 民國 兵事

卷十九 風土志一

氣候 民族 職業 土習 民風 歲時

卷二十 風土志二

禮俗 莠習

卷二十一 風土志三

善舉

卷二十二 職官志一

縣職 學職 武職 表元

卷二十三 職官志二
表明

卷二十四 職官志三
表清 民國

卷二十五 職官志四
明衛所員名表 清武弁員名表 警察員名表

卷二十六 職官志五
名宦列傳 縣職

卷二十七 職官志六
名宦列傳 學職 武秩 留績

平陽縣志 卷首 目錄

三

卷二十八 選舉志一
表宋

卷二十九 選舉志二
表元明

卷三十 選舉志三
表清

卷三十一 選舉志四
通籍廣記 學校畢業名表 高等以上 諮議局 省議會

縣議會 教育會 商會 農會

卷三十二 人物志一
宋

卷三十三 人物志二
宋

卷三十四 人物志三

宋

卷三十五 人物志四

宋

卷三十六 人物志五

元

卷三十七 人物志六

明

卷三十八 人物志七

清

卷三十九 人物志八

清

平陽縣志

卷首

目錄

四

卷四十 人物志九

孝義 藝術 方技 埵

卷四十一 人物志十

外徙 流寓

卷四十二 人物志十一

列女

卷四十三 人物志十二

列女

卷四十四 人物志十三

列女

卷四十五 神教志一

神祀

卷四十六 神教志二

佛教 道教 基督教 寺觀 禮拜堂

卷四十七 神教志三

神蹟列傳 仙釋列傳

卷四十八 經籍志一

經史

卷四十九 經籍志二

子

卷五十 經籍志三

集

卷五十一 經籍志四

集 外編

平陽縣志

卷首

目錄

五

卷五十二 古蹟志一

名蹟 第宅上

卷五十三 古蹟志二

第宅下

卷五十四 古蹟志三

雜物 邱墓 坊表

卷五十五 金石志一

晉 齊 梁 後晉 宋 元

卷五十六 金石志二

明

卷五十七 金石志三

清 補遺附

卷五十八 襍事志一

耆壽 祥異

卷五十九 襍事志二

紀遺

卷六十

補遺 正誤

卷六十一

考異

卷六十二

考異

卷六十三 文內一

制誥 奏狀 諭誠 論說

平陽縣志

卷首

目錄

六

卷六十四 文內二

碑記

卷六十五 文內三

序 跋

卷六十六 文內四

贈序 書

卷六十七 文內五

墓誌銘

卷六十八 文內六

墓誌銘 傳狀

卷六十九 文內七

謚議 祭文 頌賦 祝文

卷七十 文內八

詩一

卷七十一 文內九

詩二

卷七十二 文內十

詩三

卷七十三 文內十一

詩四

卷七十四 文內十二

詩五

卷七十五 文內十三

詩六

平陽縣志

卷首

目錄

七

卷七十六 文內十四

詩七

卷七十七 文外一

制誥

卷七十八 文外二

奏狀 說

卷七十九 文外三

書

卷八十 文外四

碑記

卷八十一 文外五

碑記

卷八十二 文外六

碑記

卷八十三 文外七

序

卷八十四 文外八

序

卷八十五 文外九

題跋

卷八十六 文外十

贈序

卷八十七 文外十一

墓誌銘

平陽縣志

卷首

目錄

八

卷八十八 文外十二

墓誌銘

卷八十九 文外十三

墓誌銘

卷九十 文外十四

墓誌銘

卷九十一 文外十五

墓誌銘

卷九十二 文外十六

墓誌銘 塔銘

卷九十三 文外十七

傳狀

卷九十四 文外十八

哀祭 頌贊 銘 引 賦

卷九十五 文外十九

詩一

卷九十六 文外二十

詩二

卷九十七 文外二十一

詩三

卷九十八 文外二十二

詩四

重修平陽縣志跋

邑志自清乾隆二十三年纂修至今百六十有八年矣不佞與

平陽縣志

卷首

目錄

九

一二三同志承乏斯役僶俛十年稿始掇定謹述顛末書其後曰
吾鄉前志修自中亭張先生距康熙志僅五十年又有弘治萬
曆順治諸志足資尋繹然已有文亡獻亡之歎今距前志又百
數十年人文衰息益甚曩時康熙以前諸志盡皆亡佚私家撰
述又無鉅著以供蒐討官書治牘日久殘闕陵谷以還散失尤
甚鄉哲如張潛齋葉箕林劉揚之楊葩園祝襄卿諸先生或綴
詠舊聞或校補前志或搜拾遺逸或紀載名勝零箋斷簡非無
可採顧以當百餘年之文獻則闕有閒矣同治初元邑嘗開局
踵修林少亮先生董其事既以費絀中止諸稿盡散僅鈔存建
置風土貢賦防圉水利秩祀職官數卷循舊附益一二而已光
緒間邑令湯侯肇熙銳意志事適錢塘吳祁甫師以訓導來平
師故吾浙名宿眾請主修以平陽無藏書家瑞安孫氏假又不